



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ
«07» 12 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ-000118

Ձեռնարկողը՝

«Երևաննախագիծ» ՓԲԸ

ք. Երևան, Բուզանդի փ. 1/3

Գործունեությունը՝ Աշտարակի բժշկական կենտրոնի վերակառուցման
շրջակա միջավայրի վրա ազդեցության նախնական
գնահատման հայտ
Արագածոտնի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

Առդիր եզրակացությունը՝ 5 թերթ

**ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ**

թիվ ԲՓ 000118
<07> 12 2020թ.

**Արագածոտնի մարզի Աշտարակի բժշկական
կենտրոնի վերակառուցման շրջակա միջավայրի վրա ազդեցության նախնական
գնահատման հայտ**

Ներածական մաս.

Ձեռնարկող՝ «Երևաննախագիծ» ՓԲԸ
Փաստաթղթի տեսակը՝ Շրջակա միջավայրի վրա ազդեցության
նախնական գնահատման հայտ

Գործունեության կատեգորիա՝ «Գ» կատեգորիա

Տեղադրման վայրը՝ Արագածոտնի մարզ, Աշտարակ քաղաք

Աշտարակի բժշկական կենտրոնի վերակառուցումը նախատեսվում է իրականացնել Արագածոտնի մարզի Աշտարակ քաղաքի Նարեկացի 61 հասցեում «Երևաննախագիծ» ՓԲԸ կողմից:

Նկարագրական մաս

Նախատեսվում է Աշտարակ քաղաքի, Նարեկացի 61 հասցեում գտնվող հիվանդանոցային համալիրի վերակառուցում, որի համար Աշտարակի քաղաքապետարանի կողմից տրվել է N01/18-07/2-83357-972Առ. 27.09.2019թ. նախագծման թույլտվությունը (ճարտարապետահատակագծային առաջադրանք):

Վերակառուցվող մասնաշենքում նախատեսվել են.

- պոլիկլինիկական ծառայություններ,
- ընդունարան և անհետաձգելի բուժօգնության ծառայություն,
- ախտորոշիչ և լաբորատոր բաժանմունք,
- 32 ստացիոնար մահճակալ ունեցող հիվանդանոցային ծառայություններ, ներառյալ՝ վիրաբուժական (8 մահճակալ), մանկաբարձագինեկոլոգիական (6 մահճակալ), թերապևտիկ մեծահասակների ու մանկական (14 մահճակալ) և ինֆեկցիոն (4 մահճակալ),
- շտապ բուժօգնության ծառայություն 1 հերթապահ բրիգադի հաշվարկով,
- ինտենսիվ թերապիայի սրահ (3 մահճակալ),
- անհետաձգելի բուժօգնության ծառայություն (2 մահճակալ),
- արյան պահպանման սենյակ,



- օժանդակ ծառայություններ, ներառյալ՝ կենտրոնական ախտահանում, վազքատուն, ներհիվանդանոցային դեղատուն, ինժեներական և մատակարարման

ծառայություններ:

- դիարանը նախատեսվում է որպես հեռանկարային կառույց և շինարարություն չի նախատեսվում ներկայիս փուլում:

Նախագծման ընթացքում հիվանդանոցի և պոլիկլինիկայի ծառայությունները առանձնացվել են: Վերակառուցվող հիվանդանոցը՝ 3095,8մ², նորկառուցվող պոլիկլինիկան՝ 543,3մ² ընդհանուր մակերեսով, ինչպես նաև կաթսայատուն՝ 30մ² մակերեսով:

Համաձայն նախնական գնահատման հայտի նախատեսվում է բժշկական կենտրոնի 1336մ² տարածքի կանաչապատում և բարեկարգում: Տարածքում կտնկվի արծաթափայլ եղևնի-2հատ, կարմիր թխկի 5 հատ, գնդաձև իլենի 8 հատ, սակուռա 8 հատ: Կանաչապատ տարածքների ոռոգումը կիրականացվի ոռոգման ցանցից (պայմանագրային հիմունքներով), ռետինե խողովակների միջոցով՝ կաթիլային համակարգով 230մ³/տարի: Նախատեսվող կանաչապատման աշխատանքների համար անհրաժեշտ կլինի բուսահողի լիցք, որի ձեռքբերումը, տեղափոխումը և օգտագործումը կիրականացվի գործող օրենսդրության պահանջներին համապատասխան:

Նախատեսվում են նաև լուսավորություն (այդ թվում՝ վթարային կամ պահուստային լուսավորության համակարգով), անցուղիներ, բուժօգնության ավտոմեքենաների համար կայանատեղի կառուցում: Վերակառուցվող հիվանդանոցային համալիրի ջրագծի միացման տրամագիծը d-100մմ, ճնշումը p-1.0 մթն, կոյուղագծի տրամագիծը d-300մմ: Միացման կետերը նախատեսել հարևանությամբ անցնող ջրագծից, իսկ կոյուղին՝ Գ.Նարեկացի փողոցով անցնող կոյուղագծին:

Համաձայն նախագծի՝ ջրաչափական հանգույցի տեղադրման կետում կառուցել դիտահոր, պարզարան Փ2000, H-2,5մ, անհրաժեշտության դեպքում նախատեսել պոմպ: Հակահրդեհային հիդրանտի տեղադրման և կոյուղագծին միացման կետերում կառուցել դիտահորեր:

Բժշկական կենտրոնի վերակառուցվող մասնաշենքում նախատեսվում են ներքին սառը և տաք ջրամատակարարման, ջեռուցման, էլեկտրամատակարարման (այդ թվում պահուստային-ավտոնոմ), գազամատակարարման, օդափոխության, հակահրդեհային ազդանշանման, հրդեհաշիջման, տեսահսկման, կապի, ջրահեռացման, սառեցման և հովացման, տեխնիկական անվտանգության համակարգեր, մասնաշենքի արդիական ներքին և արտաքին հարդարում:

Նախատեսվում է իրականացնել նաև համայնքի բնակլիմայական պայմաններին բնորոշ՝ այլընտրանքային էներգիայի օգտագործման հնարավոր միջոցներ (արևային ջրատաքացուցիչներ և ֆոտովոլտային պանելներ)՝ բժշկական կենտրոնի վերակառուցվող մասնաշենքում տաք ջրամատակարարում և էլեկտրամատակարարում ապահովելու համար:

Վերակառուցման ենթակա բժշկական կենտրոնի շինարարության ընդհանուր տևողությունը կազմում է 21 ամիս, այդ թվում՝ 1 ամիս նախապատրաստական փուլ:

Շինարարական աշխատանքների ընթացքում ջուրը հիմնականում օգտագործվելու է աշխատանքների շինհրապարակի ջրցանման, մաքրման և որոշ շինարարական



Աշխատանքների ընթացքում կառաջանա 2340տ ծավալով շինարարական աղբ, որը կտեղափոխվի Աշտարակի քաղաքապետարանի կողմից հատկացված աղբավայր: Հանված հողային գրունտները՝ 1090մ³, պահեստավորում են թույլատրված վայրում, անհրաժեշտության դեպքում ետլիցք, իսկ ավելցուկի օգտագործումը՝ տարածքի բարեկարգման նպատակով:

- շինարարական աշխատանքների /փոշեռաջացման աշխատանքներ/ ընթացքում իրականացնել ջրցան,
- սորուն նյութերի ժամանակավոր կուտակումները և շինհրապարակը ծածկել համապատասխան բարձրությամբ թաղանթով՝ փոշու տարածումը կանխարգելելու համար,
- պարբերաբար ստուգել շինարարական տեխնիկայի և փոխադրամիջոցների տեխնիկական վիճակը և իրականացնել կարգաբերում,
- գրունտի և սորուն նյութերի տեղափոխումն իրականացնել ծածկված թափքերով բեռնատարներով,
- խուսափել անորակ վառելիքի օգտագործումից,
- ջրցանի ծավալները հաշվարկել այնպես, որ չառաջանան մակերևութային հոսքեր և ջուրը բավականացնի միայն փոշենստեցման համար,
- տարածքի հոսքաջրերը միավորել մեկ բակային ցանցում և միացնել գոյություն ունեցող հեղեղատար ցանցին,
- շինարարական նյութերի և քսայուղերի ժամանակավոր պահեստները տեղադրել բետոնապատ մակերեսի վրա, որը ապահովված կլինի հոսակորուստների հավաքման համակարգով,
- շինարարական աշխատանքների ավարտից հետո տարածքը բարեկարգել, վերականգնել և մաքրել,
- շինհրապարակում բացառել թափոնների ժամանակավոր կուտակումները,
- թափոնները ժամանակին տեղափոխել հատկացված վայրեր՝ համայնքի ղեկավարի կամ աղբավայրը շահագործողների հետ նախապես կնքված պայմանագրերի համաձայն,
- վտանգավոր թափոնները հանձնել ընկերություններին, որոնք ունեն փտանգավոր նյութերի վնասագերծման, կամ տեղադրման արտոնագիր,



- շինանյութերի ձեռքբերումն իրականացնել միայն լիցենզավորված մատակարարներից,
- շինարարական աշխատանքները և տրանսպորտի տեղաշարժը կազմակերպել ցերեկային ժամերին,
- պարբերաբար ստուգել և կարգաբերել տեխնիկական միջոցների և ավտոտրանսպորտի շարժիչները,
- շինարարական տեխնիկայի միջոցների ընտրության ժամանակ հատուկ ուշադրություն դարձնել դրանց աղմուկի մակարդակին,
- խուսափել բարձր աղմուկ ունեցող մեքենաների և սարքավորումների օգտագործումից, անհրաժեշտության դեպքում տեղադրել խլացուցիչներ:

Պատճառաբանական մաս

Նախնական գնահատման հայտի փորձաքննական գործընթացին մասնակցել՝ են շրջակա միջավայրի նախարարության ստորաբաժանումները առողջապահության նախարարությունը, Արագածոտնի մարզպետարանը և քաղաքաշինության կոմիտեն: Հայտը լրամշակվել է նաև տրված դիտողությունների և առաջարկությունների հիման վրա: Նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Արագածոտնի մարզի Աշտարակ համայնքում գործունեության իրականացման վերաբերյալ անցկացվել են հանրային քննարկումներ, որը հանրության կողմից հավանության է արժանացել:

Գործունեության իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն շինարարական աշխատանքների իրականացմամբ, որոնք կկրեն ժամանակավոր բնույթ: Ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ Աշտարակի համայնքապետարանի հետ համաձայնեցված:

- Շինարարության ընթացքում անհրաժեշտ է պահպանել բնապահպանական կառավարման և մոնիթորինգի պլաններում նախատեսված միջոցառումների իրականացումը և ժամանակացույցերը:

- Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

- Նախատեսվող գործունեության իրականացման ընթացքում պահպանել քաղաքաշինական նորմերը, շինհրապարակի աշխատանքային անվտանգության կանոնները, բանվորների արտահագուստի և հիգիենայի պահանջները :

- Նախատեսվող հեռանկարային դիարանի կառուցման ժամանակ գործունեությունը ներկայացնել շրջակա միջավայրի վրա ազդեցության գնահատման փորձաքննության

- Վտանգավոր թափոնների հանձնումն իրականացնել այն ընկերություններին, որոնք ունեն վտանգավոր նյութերի վնասազերծման, կամ տեղակայման արտոնագիր:



ԵԶՐԱՓԱԿԻՉ ՄԱՍ

«Երևաննախագիծ» ՓԲԸ-ի կողմից ներկայացված Արագածոտնի մարզի Աշտարակի թժշկական կենտրոնի վերակառուցման շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ նշված պահանջների պարտադիր կատարման պայմանով:

Տնօրենի տեղակալ՝

Մասնագետ՝



Գ. Գևորգյան

Վ. Ռաիսյան